



Thla 2 leh a chanve chhungin mi 9 kan invui liam

Chanmari West, 17th March: Vau thla chanve kan chuangkai awrh chauhva Chanmari West khawtlangah thihna vawi 9 kan tawk der tawh mai, heng zinga mi 6 te hi chu YMA member an ni. Branch YMA chuan kan khawtlanga hetiang chhiatna lo thleng ṭhin hi pawi a ti hle a, chutih rual chuan hetiang harsatna kan tawh ṭhinte hi YMA member-te'n ṭanlak nan leh kan nun hman uluk leh zual nan hmang theuh ila tih hi Branch YMA duhdan a ni. Heng thihna lo thleng mai bakah hian ruihlo kaihhnawih hmanga sumdawnna avangin kan veng kan mualpho fo mai chu Branch YMA chuan pawi a ti hle.

Kumin thla 2 leh a chanve chhunga kan chhiat tawh dan dinhmun chu hetiang hi a ni

1)	Tv RK Lalzawnchhuaha	29	Vanapa	13.1.2013
2)	Nl Lalhriatpuui	19	Taitesena	14.1.2013
3)	Pu Lalsangkima	39	Khuangchera	29.1.2013
4)	Pu lalmalsawma	34	Taitesena	2.2.2013
5)	Pu Hrangzuala	61	Taitesena	13.2.2013
6)	J lalhmunmawia	1 "	Vanapa	17.2.2013
7)	Tv H Vanlalchhuangliana	31	Taitesena	20.2.2013
8)	Pu CRomuana	55	Taitesena	21.2.2013
9)	Tv Zothansanga	30	Taitesena	14.3.2013

Heng a chunga kan tarlan tak mi 9 zinga 6 te hi YMA member, ṭhalai an ni nghe nghe. Kumin chhung bikah hian kan veng chhung mai ni lo, Mizoram pumah ṭhalai thihna a hluar hle mai a. Aizawl Civil Hospital record-a a lan dan chuan February thla thleng khan ṭhalai mi 20 chuang chu mu hlum (lungphuchawl) an awm a ni. Heng mu hlum leh thih thutna thleng tam zawk hi chu ruihlo kaihhnawih vang a ni tih chhinchhiah a ni bawk. Heng thihna, a bik takin ṭhalai zinga lo thleng that that ṭhin hi Branch YMA chuan pawi a ti tak zet a, chuvangin ṭhalait ruihlo leh damdawi hmensual kawngah intiar fihlim turin a ngen tak zet a ni. Tin, Branch YMA chuan ruihlo ti ṭhin leh zuar ṭhinte chungah khauh taka dan lekkawh a hma lak zel a tum a, veng timualpho thei zawnga khawsa lo turin veng mipuite a duh tak zet a, hetiang laka kan fihlim theih nan thawhpui turin YMA member zawng zawngte a ngen a ni.

CHANMARI WEST MINI LO

Ni 8.3.2013 (Zirtawpni) Vanglaini Daily Newspaper-a Kolasib Sub-Headquarters YMA ruihlo do pawlten parvon spasum 1990, Lalruatfela leh Zodinpuii Chanmari West nia inchhalte hnen aṭanga an man thu lo lang chu Branch leh Section hravuiten kan vengah hetiang mi an lo awm reng em? tih zawn chhuah tuma an beih hnuin hetiang mi kan venga an chen / awm hmuh an ni lo tih veng mipuite kan in hriattir a ni. Hetianga kan veng hming lo chhal ve ringawta veng hmaitibal tu an awm hi Branch YMA chuan pawi a ti hle bawk.

Ni 19.3.2013 (Thawhleh) zan hian rokhawlha a awm loh chuan Fresher Social leh Kumpuan hawnna YMA Zawlbukah neih tum a nia, Branch Executive, Section leh Sub-Committee hravuitu te kimtaka kal tura hriattir leh ngen kan ni e.

Branch Executive Member Pu H Vanlalvena Bungtlanga zin, Pu Lalchhanhima leh Pu RK Rozidinga Lungleia zinte dam takin an lo haw leh ta.

Branch Adviser Pu Lalrengpua Sailo a fanu damlo awmpuia Silchara zin leh Executive Member Pu Lalruatsanga Hliappua zinte dam taka an lo haw leh thuai an duh.

Veng chhunga awm thar tur leh pem chhuak turte'n Section Secretary te hnenah pem lehkha theh luh / lak chhuah phawt zel tur a ni

VENG TIMUALPHO

Ni 11.3.2013 (Thawhṭan) tlai khan Vanapa Section YMA Run luahu Pu PC.Lalsanga chu Chaltlang North -ah Chaltlang North Branch YMA ten a motor ah rakzu litre 40 leh Mc Dowell um 6 an mansaka, hemi zan vek hian Excise kutah an hlan nghal a ni. Chaltlang North Branch atang hian hun engemawti atanga Pu PC Lalsanga hi an lo en thlak tawh thu dawn a ni bawk. Hetianga veng timualpho zawnga khawsa an lo awm leh thin hi Branch YMA chuan pawi a ti hle.

 TUNKARCHANGVAWN
Kei atan erawh zawng Pathian hnaih hi a tha a ni.
Sam 73:28

Editorial Board

Editor:	R. Lalrinngheta	9862358337
Joint Editor :	Lalchhandama	9862358347
	J.Lalnangliana	9862399658
News Editor :	Thangkhuma	9862303135
	Lalchhuanmawia	9862580558
	K. Lalremluanga	9862119608
Cir.Manager :	Jacob Lalrinsanga	9612319779
Production Manager :	T. Ngurk huma	9436190843

Branch Office Bearer

President	C. Lalzarliana	9436142049
Vice President	T. Ngurk huma	9436190843
Secretary	Zairemmawia	9862385654
Asst. Secretary	RL. Thanhnuna	9436152760
Treasurer	R. Lalhmachhuana	9436151817
Fin.Secretary	K. Darthantluanga	9436196071
Adviser-te :	Pu F. Zosanga	9436142106
	Pu A. Biaklawma	9436363169
	Pu Lalrengpuia Sailo	9862075614

Editorial :

Tun kar kan chanchinbu chhuak chuan ngaihtuahna a ti thui khawp mai. Khaw nge, mahni vei zawng leh rilrua awm apiang han phawrh ve leh pawp mai ila.

Zirna leh infiamna te, intihsakna kawng hrangah mi vengin nasa taka hma an sawn laiin kan veng ḥan a ḥu tlat mai. Chutihlai mekin, mualphona chi hrang hrangin min tuam mek bawk a, YMA leh Khawtlang hruaitute lu a hai khawp ang le.

Tunlaia kan veng chhunga thil thleng ḥen khat - Zu ruih vanga buaina siam, zu leh ruihhlo zawrh vanga thubuai siamsak kan tihte hi khawi veng mahin mahni veng chhunga thleng atana kan duh loh vek a ni a, mahse a thleng mek zel chu a ni si. Tu mawh nge ni ta ang le? Kan ngaihdan sawi theuh dawn ta ila, a in ang lo hlawm khawp ang.

Mizo hnahthlak nu leh pa kara piang a, Kristian chhungkuua sei lian, Kristian sakhaw zirtirna dawng siin hetiang pawi kan khawih leh thei mai ḥin hi chu kan sakhuaah leh kan hnamah hian kan chiang tawk lo em ni aw a tih theih awm e. Eizawnna tur dik leh felfai thlan thiam a pawimawh khawp mai. Hahdam taka pawisa hmuh tumna hian sualah min hruailut fo tih hriat a ḥa. Mizo Kristian rilruah chuan taimakna aṭanga din chhuah tumna a awm tlat tur a ni.

Ram leh Hnam Humhalha ruihhlo do turin YMA chuan theih tawp a chhuah mek zel a, khawtlang mipuite'n kan phak tawk theuhah pheikhai rual takin theih tawpin i tawiawm theuh ang u.

Article:

CHANMARI WEST HMATHLIR*Vanlalawmpuia CH-sect*

Hmathlir kan tih hian hun hmalam thlirna naran ni lovin hmasawnna tura suangtuahna a keng tel a. He suangtuahna hi a hlawhtlin ngei beiseiin ruahmanna hi ngaihtuahnaah a tel lo thei lo ḥin a ni.

Hmathlir hian tuna kan dinhmun aṭanga nakin huna kan hmasawnna tur hi a tarlang deuh ber a; hmathlir inngahna ber chu kan ḥalaite hi an ni. ḥalaite hi hun rei lotea kan hruaitur an nih avang hian 'tun' huna ḥa taka kan kaihhruai hian kan hmalam hun tur chu a hril thui hle dawn a ni.

Thalai hruai kawngah: Young Mizo Association (YMA) hi a ḥa zawnga ḥalaite kaihruaitu leh hma la nasa bertu pawl (Association) a tih theihin a rinawm. ḥalaite'n hma kan sawn theih nan mawphphurhna lian tak a nei kan ti thei awm e. Hemi kawngah hian YMA hian ḥan lain ḥalai hui khawm tur hian kawng hrang hrangah hma la se lang, mimal nun mai bakah kan khawtlang hi a va chhanhim nasa dawn em! Kan pi-pute nunze mawi tak kan chhawm nun hian kawng ḥa zawkah chuan min hruai ngei ang. YMA ina a tum bulpui ber pawh tlawmngaihna a nih hi khawtlangina a theihngihlh loh nan inhrilh nawn fo ila'ng a ḥa ang, Pathian thu pawh kan hriat nawn apianga hma kan sawn ang chiah hian. Tlawmngaihna vawng nung reng ḥintu veng nih bakah hian veng changkang nihna chu zirna lama infihtawn hi a ni.

Mi hmantlak chherna kawngah: Ziak leh chhiar thiam kan tam chuan mahni inrin tawkna nei kan pung a, mi ḥangkai leh ḥa tak takte pawh kan pung ngeiin a rinawm. Amaherawhchu, zirna sang ringawt hi hmasawnpui vek theih a ni lo tih erawh hriat a ḥa awm e. Zirna sang lem lovah pawh mi hmanghre tak an tam zawk hlauh thei a ni. A awmzia takah chuan lehkhattiam (ziak leh chhiar thiam) ve hrim hrim an tamna hmunah hian khawtlang chu a lo changkang chak bik nia hmuh a ni ḥin a ni.

Nun dan kawng inzirtir: Khawlaia ḥalai hnawksak tak tak, bike ring tak leh chak taka tlante leh ruihtheih thila inhambuaite chu thil mawi lo tak a ni pahfawmin changkanna letling thawk a ni tih hi kan inhrilh hriat ngei a ḥul bawk. Hemi rual hian ḥalaite chu fiah tako hma an sawn lohna thilte chu paihthla tura kan hrilh a ngai a ni. Hemi rual hian ḥalaite tana boruak nuam

tak, khawtlanga an ḥangkai theihna nipahfawma hmun hlimawm tak a ni tih an hmuh theih nana kaihhruai hi a ḥul hle. Thalaite puala activity hlimawm tak, khawtlanga an tlangnel theihna tur buatsaih kawngah pawh hma lak zel ni thei se a ḥa ngawtin a rinawm.

Faina kawngah: Kan khawtlang a lo fai lehzual theihna atan ruahmanna kan siam a pawimawh hle bawk mai. Kan rilru puthmang hi pawn lamah a lo lan chhuah ḥin avangin kan khawtlang fai leh fai loh hi mi tam takin min tehna a ni fo ang. In leh a velte mi tinin tifai ila, veng pawn lam mite tan pawha bawlhhlawh pahi inthlahrunawm rum rum tur khawpin kan khawlaite pawh hi vawng fai ila a ḥa awm e. Thil ropui tak ti tur hian thil hote aṭanga bul ḥan a ngai ḥin ang hian mi tinina kan tih theih mahni in leh a velte vawn fai hi kan ḥanlakna tur pawimawh tak a ni.

Nungcha humhalh: Kum liam tawh lama YMA Kumpuan 'Nungcha humhalh' hi kan veng tana thil tih harsa lo, mahse kan tih leh tih loh inkar chu zau tak si a ni. Aremchanna lai apiangah thingkung phun belh ila, nungcha leh savate tamna vengah kan veng hi siam ila, veng nuam a lo ni mai dawn a ni.

Ram leh hnam humhalh: Ram leh hnam humhalh hi tuna YMA kumpuan, kan hnam leh sakhu a nun reng theih nana thil pawimawh em em a ni. A hrarpa takin va humhalh lo mah ila kan veng chhunga hnam dang rawn awmte hi tun aia ḥa hian chhinchhiahna siam ila, kan buaina tam tak hi kan pumpelh thei ang. Kan hnam kan humhalh dawn a nih chuan hnam dang min hual veltute hi kan hriat chian tel a ngai a ni.

Tin, kan chanchinbu leh kan activity-ah te hian kan hnam ḥawng leh nun dan humhalh hi thil pawimawh tak a ni bawk ang.

Veng inpumkhatna: A te ber aṭanga a lian ber thleng hian mawphphurhna kan nei vek a, kan pipute nun ze mawi chhawm nungtu YMA hi inpumkhatna siam theit a ni. Lusun khawharte hnem ḥin tu, rethei leh pachhiate chhawmdawlta, YMA hian zah pawh a phu reng a ni. Khawhar ina kal te leh hnatlang ang chiah te hian mi tinin kan mawphphurhna kan hriat thar a ngai khawp mai. Hemi kawnga lo muthlu tawhte pawh kaiharh turin YMA hian hma a lak a ngai a ni. Mi tam tak chuan heng thilte hi *phek 3-naah zawm a ni*

Phek 3-na

Taitesena Section

□ Ni 12 March 2013(thawhleh) zan khan Leivung pah sumtuak hnatlang an nei.

□ Hnatlan nan Pu Remmawia'n motor a hmantir avangin lawmthu an sawi a,tin Pu Rohnuna te'n Leivung pahna hmanrua an hmantir avang leh Pu Lalramliana'n thingpui a lumsak avangin lawmthu an sawi tak meuh a ni.

□ An Treasurer Pu R.K Rozidina pawh hna thilah Lunglei lamah a thang mek a, dam taka a lo haw leh an duh hle.

□ Member te chhiatni thatniah thahnemngai leh zual turin an ingen nawn leh e.

□ Hun remchang hmasa berah Committee koh tum a ni.

Neuva Section

□ Ni 16.3.2013 (Inrinni) nileng khan Pasaltha Neuva Inah hruaituten property check hnatlang an nei a, tlaiah chawhlui an kilho nghal.

□ Section huam chhunga in luah tur nei ten Pem lehkha nei lo chu luah tir lo turin an innge.

□ Kumpuan hawn leh Fresher Social Programme Ni 16.3.2013 (Thawhleh) zan dar 7 a neih turah Section hruaitu leh member-te kal vek turin an innge.

□ An hruaitu NI Mary Lalawmpuii Tlunvel lama zin pawh dam taka a lo haw leh thuai an duh hle.

□ Tunkar hun remchangah Committee koh tum a ni.

Chawngbawla Section

□ An Leader Pu Lalruatsanga chu chhungkaw hna avangin Hliappui ah a zin mek.

□ Tunkar chho hian Section Committee neih tum a ni a, hruaitute hunawl lo insiam turin an in ngen.

□ Chhiatni fund leh YMA AW man khawn mek a ni a, chhungtinte ngaipawimawh hram turin an ngen.

□ Thawhleh zana YMA Zawlbuka Kumpuan hawn leh Fresher's Social neih turah Member-te leh hruaitute kal theuh turin an in ngen, Hruaitu kal thei lo tur chuan Leader hnenah in

Section Report/ Vengchhung/ etc.

hriattir nise. Light And Sound buaipui tur an nih avangin thawlehnai tlaiah hnatlang nei turin hunawl lo insiam turin an inchah.

Vanapa Section

□ Ni 12.3.2013 (Thawhleh) zan khan Rawra leh Balu thiarin an inhlawh a, inhlawhna siamsaktu leh hlawh tha tak petu Pu C Thanchungnunga te chhungkaw chungah lawmthu an sawi.

□ Pu Jimmy Vanlalhrauaia te'n fanu thar duhawm tak an nei a, an lawmpui hle.

□ An member PC Lalhriatpuia chuan nupui tha tak, R Zothanpui (Bungtlang) a nei a, an lawmpui hle

□ Section huam chhunga zu rui, buaina siamte laakah YMA chuan theih tawpin hma a la zel dawn.

□ NI Vanlaltluangi d/o RK Pahlira chu damdawi in atangin a lo chhuak a, a dam that zel an duhsak

□ YMA AW man leh Chhiatni Fund khawn mek a ni a, chhungtinte a rang lama pe theuh turin an inhriattir. Hruaitute'n khawnsa a rang lama theh luh zel tur a ni e.

□ Asst. Secretary Pu R Vanlalsawma Tualcheng lama zin pawh dam takin a lo haw leh ta.

Khuangchera Section

□ Ni 12. 3. 2013 (thawhleh) zan khan YMA Runah meeting an nei a, thingpui lumsaktu Pu T Ngurkhuate chhungkaw chungah lawmthu an sawi.

□ Hna thil avanga Lunglei lama zin an leader Pu Lalchhanhima chu dam taka a rawn haw leh thuai an duhin an beisei.

□ Zirtawp zan khan blanket suk tur khawnin an hnatlang.

□ Member-ten Fresher Social leh Kumpuan hawn ngai pawimawh a, kal vek turin an hriattir. Section chanvote tha taka hlen chhuah ngei an tum a, branch-in ruahmann a siamte ngai pawimawh turin member-te an ngen bawk.

□ Chhiatni fund leh YMA AW man khawn mek zel a ni a, la pe loten ngai pawimawh a, a remchan anga a rang thei ang bera pe zel turin an ngen.

17th Mar 2013

article zawmna.....

midang tih turah an dah tawh a. an tel ve chuan ti tha hleah an inngai hial mai; an tih tur ve reng a ni tih pawh an hre tawh lo a ni.

Heng kan hmathlir, kan ban phak renga awm hmalakna tur kan sawite hi a hlawhtlinna chu mi tin kutah a awm a. Hruaitute'n an tih tur tak an tih a ngai a, chu chuan veng mipuite min kaiharh ang a, tichuan mipui leh hruaitute chu thukhat vuain kan inkamki tawn thei tawh ang.

Kan Then Tak

Tv Zothansanga, Pianni Ni

18.9.1981, Pa

hming - R

Liannela (L), Nu

hming Pi

Lalmuanpuii,

TaitesenaSection, Presbyterian Kohhran , YMA member. Pianpui unau mipa 4 a nei. Zothansanga hi mi pawisawi lo leh zaidam, nungchang zawi tak mai a ni a, YMA hmalakna hrang hrangah a phak tawkin a tel ve thin. Eizawnna lamah chuan IDEA Company-ah a hawkmek Tunhma deuh atang khan khawsik leh insawiselna neuh neuh a nei a, mi tuarchhel tak a nih avangin a palzam leh mai thin. Ni 14.3.2013 (Ninga) zing khan a natna tuar lovin a boral.

CWSC

16th Mizoram State Arm Wrestling Championship-2013, ni 2 awh tur chu Ni 15.3.2013 (Zirtawp) atang khan neih tan a ni a, CWSC atangin heng mite hi an tel.

1) Lalneimawia K (55 below)

2) TC Lalrinchhana K(65 below)

3) Zoramthlana V (65 below)

4) Lalfakzuala N (80 above)

LAWMTHU SAWINA

Chanmari West Presbyterian Kohhran Pavalai Pawlin vengchhung lirhei neite hnenah an Motor te hrukfai an dilna - rawngbawlna a ngai a, phal taka an hrukfai tir avangin vengchhung Two Wheelers leh Motor Neite chungah lawmthu an sawi .

Property Sub-Committee

- YMA Park chei mek a ni a, Park -a thing leh pangpar awmte dimdawi turin veng mipuite an ngen a, ruihhlo ti thinte Park chhungah ti tawh lo turin an hriattir.
- Hun remchang hmasa berah committee neih an tum.
- Mualkhang lama an Chairman insak thar chu ropui taka lawm thuai an tum.

FOOTBALL

- ADFA 1st Div. Mid Season Tournament Final-a SYS 2-1 in an hneholo chu pawi an ti. Vengmi tawiawtute chungah lawmthu an sawi.
- Tournament neih chhunga mikhual thlengtu Pu H.Lalramhluna (T) leh Pu H.Vanlalruata (N) te chungah lawmthu an sawi.
- Sum leh paia tanpuitute leh lirthei hmantirtute chungah lawmthu an sawi.

Sum leh paia tanpuina petute:

1	Tv B.Lalsawmzuala	(CH)
2	Pu Vanlalhrauaia	(CH)
3	Pu H.Lalmuanpuia	(K)
4	Dr David Malsawmkima	(K)
5	Pi Lianzami Khiangte	(CH)
6	Pu J.K Zosangliana	(CH)

Lirthei hmantir tute.

1	Pu Lalzirliana	(T)
2	Pu C.Thanchungnunga	(V)
3	Pi Chalhiani	(T)

ADMISSION

Faith Academy, Zonuam, Aizawl chuan class IX, X and XII (Science), Dayscholar leh Hosteller- admission a hawng mek a, hrechiang duh tan a hnuaia phone no. tarlanah hian zawh fiah theih a ni e.

Principal -9436350438 / 9862785748
Mangheta - 9862358337 (2-1)

NIMBU TUI

Nimbu tui fir tha tak lei tur kan nei reng e. Veng chhung mi, Bottle hnih chin lei tan inah kan pe thei bawk e

V.L.Chhunga
Taitesena Sect.
9862926173

(2-1)

VOLLEYBALL

- CWSC 2nd Division (Nunui Volleyball Club) Players-te March 18 tlai dar 4:00 atangin kim taka Practise tur a ni.
- An Committee Member P.C Lalhriatpuia'n nupui tha tak a nei chu an lawmpui hle.
- An Committee Member Ramnunmawia'n ni 22.3.2013 (Zirtawpni) hian nupui a nei dawn a, hruaitute'n tawiawm turin an in ngen.
- Ni 10.3.2013 (Pathianni) thai khan Pu C.Lalthanzuala inah Committee an nei.

ADMISSION

Govt L.M English Medium Primary School Nusery - Class-IV a lut turte tan Admission tih theih reng a ni e. M.A English thiam tak kaihhraina in zirtirna pek a ni a. Nursery zirtirtu tha tak tak kan nei. Admission leh Text Book **FREE** a ni.

C.Lalrosiama.
Headmaster
Govt LM English Medium P/S

ADMISSION OPEN

Nursery to Class -X Admission ti duh tan Office hun chhungan tih theih reng a ni.

**Springdale School
Chanmari West, Aizawl**

Contact : 9862812084 (3-2)

PHEIKHAWK DAWR THAR

Chanmari Kawn Two Steps
Mobile dawr thinah khan pheikhawk chi hrang hrang leh Slipper bakah School Uniform
Pheikhawk kan zuar ta e.

**J.K FASHION BRANCH
Chanmari, Aizawl.** (2-2)

**LODESTAR****SCHOOL**

CHANMARI WEST,

AIZAWL

(Near Indoor Stadium)

2013 – 2014 session atan K.G – I admission englai pawhin school hour chhungin a tih theih reng e.

K.G – II atanga Class – VIII tan March ni 1 (Zirtawpni) atangin tih theih a ni bawk ang.

Contact : 9862711823 / 8974287909 / 8794576982 (4-2)

LSC LAM NGAI

Heng a hnuai a mi te hi Vanapa Section YMA-Leader Pu VL Thakima hnen atanga LSC lam turia hriattir in ni e.
Lalchungnungi 1619/84
Ramliansanga 537/07
Zodinpua 1399/08 leh 849/87
Lalthanzuala 1634/09

HRIATTIRNA

Vengchhung vantlang kawngpui dala Motor, Two Wheelers leh in sakna bungrua zan riaka rei tak tak dah thinte dah tawh lo tur leh vantlang kawng hmangtute tana hnawk lo thei ang bera dah thin tura hriattir kan ni e.

VAWKVULH SOCIETY

Ni 18.3.2013 atang hian Wheat Vai Pi Ringliani T-Section hnenah Society Member tan ` 670/Bag, Member lo tan ` 680/Bag in a duh apiang tan a lei theih ta e.

*F. Vanlalduati, Secretary,
CWPPCS*

NEWHORIZON SCHOOL OF EDUCATION

ADMISSION OPENED FOR CLASS I-XII

FREE ADMISSION FOR CLASS- I

Contact. (0389) 2346362,
9436141868 (2-2)

ADMISSION NOTICE

Kum 2013 session atan Chanmari West High School-ah Class IX & X tan Ni 20.3.2013 alangin zing dar 9:30 to 12:00 thleng admission tih theih a ni a.

Admission fee ` 300/-

Sd/- Headmaster

9862367795 / 9862357822 (3-1)

C. ROZAMA & SONS
STEEL & ALUMINIUM TRADERS

Deals in:

Stainless Steel, Steel & Aluminium

*Chanmari Ramhlun Road, Aizawl
Oppt. LC Sofa*

**VENG CHHUNG MITE
DUHSAK BIK AN NI E.**

Ph. 0389 2342412 / 9436365889 /
986204619 / 9436159313. (5-2)
Email : teteachhangte78@gmail.com